

## **Turebricht vo de Naturfründe Sektion Baar Bergtur Brunwald-Bäretritt-Legerwand T4 vom 16. Aug. 2020**

Am Treffpunkt sind 3 PW und 6 Personen, simmer mit 2 Auto uf Linthal zu der Brunwaldbahn go parkiere ond so schnell wiä möglich zum Billetschalter, jede sies Billet selber glöst ond uf das Bähni los, leider hend nüd alli mögen ine, abgfahre sinds grad wiä si hend welle, mer sind denn scho druf worum das so lauft, wegem Andrang, sind diä anenand gfare, aber dobe sind wieder alli binand gsi, das ischt aber au am obig bim abefahre so gange.

Jetzt hemmer grad die 1. Etappe zur Grotzebüelbahn onder d'Füess gno, knapp 15 Min. währendem hemmer en wunderbari Bergwelt vor eus gha, links de Tödi mit sienere wiesse Chappe, natürlich au de Ortstock d'Furggele dort wo mer chann drüber id Glattalp füre ond rechts devo de Höch Turm ond rechts vo dem is Charetalptal. Ond wemmer grad ue glueget het, so isch de vorder und de hinder Eggstock. jo mer hetti no lang chönne ufzelle, was für Berge mer gseht. mer hend au no echli müese warte, diä fahrid erst am nüni, ond immer wieder d'Larve alegge.

Dobe acho simmer grad loszoge, zwämol über en Viehhüeter-Droht ine, i ha ghört säge, äs hebi Eine zwickt, heter öppe Bei nüd möge glupfe, jo der Stromschlag isch nüd tötlich gsi, so simmer ä stock doruf bis zum Wegwieser Oberstafel, so nidsi bis zu dere Alp, denn wieder echli obsi, denn simmer zum ww. Bergetenseeli, punkt 1646 nochere Stond 5 Min. acho. Do Zwüschehalt mit Znüni und trinke.

Denn hemmer di strengschi Etappe in Agriff gno, zerscht no dur Stude ond über Stock und Stei, denn isch d'Sicht frei worde, für d'Legerwand azluege, diä isch so lang, dass mer drufobe öppe anderhalb Stunde lang mues laufe bis as ende. jetzt isch en Gröllhalde zum überwinde, bis mer wieder uf feschte Bode mit Steitritt cho sind, jetzt wird so richtig steil, doruf dör der bösi Bäretritt wo mer de Lauchbode nochere Stond erreicht hend, das isch s'strengschi Stuck gsi vo de ganze Tur.

Nocheme Päuseli ond fötele simmer wieter ob de Legerwand, so ca. 50 min. do hemmer Mittag gmacht, das isch de schönschi Platz gsi dezue, überall di schönschte Edelwiess natürlich au fötele. so isches denn wieder wietergange in richtig Bützi, wo mer noch 30 min. erreicht hend, nomol äs churzes Päuseli, ond grad wieder wieter, s'Wetter isch au immer echli dunkler worde. wo mer links use glueget het, so het mer di grüeni Erigsmatt no gseä.

Jetzt gohts an Abstieg, äs stuck wiet no echli heikel, aber äs isch alles guet glaufe, alli heil abecho. Wo mer ide Weid unne gsi sind hetts plötzlich avo tropfe, do sind alli echli schneller worde, aber mer sind nochere wietere Stond ide Gume Wirtschaft acho, natürlich simmer do no ikehrt, am Dorscht hetts nüd gfählt, äs isch au gar warm gsi, jetzt no mitem Sessellift abefahre ond nomol öppe 15 min. zur Bruwaldbahn abelaufe, wieder bi sommerliche Temperature !! jetzt no einischis id Bruwaldbahn istiege ond abefahre.

Marschziet guet 5Std. Ufstieg ca. 3 Std. Abstieg ca. 2'15 Std.

Höhendifferenzen: 750 m. auf und ca.400m. ab.

Reisekosten: Bahn TK. 1/2 30.00 ohne 1/2 37.00 plus Anreise mit PW a. 30.00

Teilnehmer: Meisinger Marlies und Andreas

Fischer Lydia und Birrer Erwin

Gast: Haldimann David

Mit Berg Frei der Tourenleiter und Schreiber Beni

**Schällibaum Beni Alpintourenleiter Arbachstr. 69 6340 Baar**